



## МЕСЯЦА АПРЕЛЯ В 18-Й ДЕНЬ

Преподобнаго отца нашего Иоанна,  
ученика святаго Григория Декаполита

На Господи, возвах: стихиры, глас 8.

Подобен: О, преславнаго чудесе:

**О**тче Иоанне преподобне, / окрилив ум к Богу  
верою, / мирскаго смешения / возгнушался  
еси неуставнаго / и, крест твой взем, / Всеви-  
дцу последовал еси, / тело непокоривое / подви-  
ги воздержания помыслу поработив / силою Божэ-  
ственного Духа.

**Я**коже солнце многосветло, / добродетелей  
светом / и чудес сияньми / обрел еси Григория,  
Иоанне преславне. / Просветил еси душевныя  
очи, / и темныя страсти отгнал еси, / и свет был  
еси, / и к сиянию незаходимому, / радуясь, отче,  
преминул еси, преблаженне.

**В**се житие препроводил еси / в безмолвии мнозе /  
и в плачи и слезах, / монах быв истинен верою, /  
нестяжанием украшен, / и воздержанием удобря-  
емь, / и странен и пришлец на земли являя себе. /  
Темже обрел еси / добрых наслаждение, досто-  
чудне.

**Слава, и ныне, Богородичен:**

**П**лоть от кровей Твоих приемь, / Первовечный  
Бог / Тя Предстательницу покажя / человеком,  
Чистая. / Темже избави рабы Твоя / от всякия беды  
и обстояния / и сетей лукаваго врага / и сияния

причастітисѣ сподѣби избранныхъ, / вся славѣющія  
и покланѣющіяся Тебѣ.

### Крестобогородичен:

Что зрѣмое видѣніе, / еже Мойма очѣма видѣтся,  
о Владыко? / Содержай всю тварь на Древо  
воздвѣжен быв, / и умираеши, всем дай жизнь, — /  
Богородица, плачущися, глаголаше, / егда узрѣ на  
Крестѣ возносима / из Нея неизреченно  
возсиявшаго / Бога и Человека.

### Канон, глас 8.

#### Песнь 1

**Ирмос:** Колесницегонителя фараоня погрузи /  
чудотвори иногда / Моисейский жезл, крестооб-  
разно поразив / и разделив море, / Израиля же  
беглеца, пешеходца, спасе, / песнь Богу воспе-  
вающа.

Страстей мя треволненіем всегда смущаема / и  
молвою помышлений ныне потопляема, / твоею  
молитвою, преподобне, к безстрастия устрем-  
ленію / и к спасительному пристанищу, блаженне  
Иоанне, управи.

Преложься произволеніем, преподобне, к Небе-  
си войстинну, / ангельски, отче, на земли пожил  
еси, / умертвив твое мудрование плотское воздер-  
жаніем, / темже Божие жилище явился еси, Иоан-  
не чудне.

Яже паче ума получитьи, блаженне, возжелев  
красныхъ, / наставника обрел еси, к подвигомъ ты  
Божественнымъ воздвизающа, / Иоанне Богомудре,  
Григорія славнаго, / егоже стопамъ последовал еси.

**Богородичен:** Сый со Отцемъ и Духомъ, Соприсно-  
сущное и Единородное Слово / из Тебѣ явися на  
земли яко Человекъ, Богородице Маріе, / и миръ весь  
спасе, песнь Господеву воспевающій.

#### Песнь 3

**Ирмос:** Утверждѣй в началѣ Небесъ разумомъ / и  
землю на водахъ основавый, / на камени мя, Христѣ,  
заповедей Твоихъ утверди, / яко несть святъ, паче  
Тебѣ, / Едине Человеколюбче.

Трезвениемъ ума Небесныя доброты зря, / и



никакоже печальми взялся еси вещными, / крылы же облегчаваемъ нестяжания, отче, весь преложен был еси.

**Безмолвия** рачитель быв, / любомолчаннаго пастыря Григория, Иоанне треблаженне, / яже в житий смущения усердно оставил еси / и молитвами непрестанными Божественную тишину уллучил еси.

**Закону** Духа себе, Богомудре, повинул еси, / противу Сему борющийся закон умертвив твердыми воздержаниями, и пощением, / и молитвами прилежными, и бдении, блаженне.

**Богородичен:** Яже к нам светлая Царюющего всеми веки / непроходимая дверь Ты показала еси воистинну, / еюже Сам пройде, запечатану паки оставль Тя, Пренепорочная.

### Седален, глас 1.

**Подобен:** Гроб Твой, Спасе:

**Погреб** лукавая демонов ловления воздержания многими и мольбами, отче, / мертв во гробе лежа, нетленен пребыл еси. / Темже, радуящися, всесвятую твою память празднуем, / с веселием сердца Христа величаяще.

### Слава, и ныне, Богородичен:

**Безневестная** Чистая Богородице Дево, / едина верных Предстательнице и покрове, / бед, и скорбей, и лютых обстояний вся избави, / на Тя упование, Отроковице, имущия, / и души наша спаси Божественными молитвами Твоими.

### Крестобогородичен:

**Зрящи** Тя, Христэ, Всенепорочная Мати, мертва на Кресте простерта, вопияше: / Сыне Мой, Собезначальне Отцу и Духу, / что неизреченное Твое сие смотрение, / имже спасл еси пречистых рук Твоих, Щедре, создание?

### Песнь 4

**Ирмос:** Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с

*пророком Аввакумом зову Ти:/ силе Твоей слава,  
Человеколюбче.*

**Т**ерпѣнія камень показáлся еси, блаженне, сопротивными волнами всегда биемь, / никакоже благочестия колебля мысли. / Темже ты Владыка, якоже пречестен камень, / в сокровищах вечных положи.

**Т**я Отец щедрот прият, яко искренно Сего возлюбивша / и в заповедех Его, отче, пребывающа / и, сына причастника благодатию сотворив, / присносущныя ты славы, Иоанне Богомудре, сподоби.

**Я**ко милостив и смиреномудр, / яко кроток, яко любви исполнен и веры, / и надежду твою душу имея, Иоанне, утвержденну, / просиял еси и словом, и дѣлы посреди монахов, / ходя в жизни, приснопамятне.

**Богородичен:** Ты верным похвала еси, Безвестная, / Ты заступление, Ты прибежище христиан, стена и пристанище, / к Сыну бо Твоему мольбы носиши, Всенепорочная, / и спасаеши от бед верою и любовью Богородицу чисту Ты знающих.

### Песнь 5

**Ирмос:** *Вскую мя отринул еси / от лица Твоего, Свете Незаходимый, / и покрыла мя есть чуждая тьма, окайннаго? / Но обрати мя и к свету заповедей Твоих / пути моя направи, молюся.*

**Я**коже незлобива агнца, на злѣце воздержания воспитана, / ты Пастырь Великий во дворы вечныя всели, Иоанне блаженне, / и десным своим овцам сопричастника, преподобне, показа.

**Д**невную тяготу, отче, и вар крепко понесл еси, / добродетелей Божественных виноград добре делав. / Темже в вечер житейскаго отшествия мзду приял еси достойну.

**С** постническим сонмом, отче, вселитися во истинну сподобился еси / и с праведных ликом радоватися тебе прибысть, / видением и дельным любомудрием, отбегшу вещи, прехвальне.

**Богородичен:** Умерщвленнаго, Дево, жалом смерти и преступления, воскреси мя, / жизнь зачѣнная несозданную и рождающая миру Избавителя и Царя, / и к свету настави, Чистая.



## Песнь 6

**Ирмос:** Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Бóже спасения моего.

Слез твоих ка́плями страстей изсушил еси пучину / и всю мысленнаго врага попра́л еси некрѣпкую силу, Ио́анне блаженне, / от Христа укрепляемь.

Яко светлосиянно ты злато искушено, пресла́в-не, / воздержания огнем Христос положи, Царь нетлѣнный, / в нетлѣнных, отче, сокрóвищах вѣч-ныхя жизни.

Яко солнце, на земли добродетельми сияюща, Григория обрѣт, / души твоея очи того сияньми просвѣщ словесными, / светлейша показáлся еси звезда.

**Богородичен:** Селение Бóжие Божѣственно вой-стинну и пречестно, / воспоём благочестно Марию Пречистую: / Бóга бо вмести, приѣмши Невмести-маго и Непостижимаго.

### Конда́к, глас 4.

Подобен: Вознесыйся:

**В**оздержанием, отче, житие украсив, и плоть умертвил еси, / темже и победил еси вражия прилоги, преблаженне, / и прешел еси к Бóгу в безсқорбный и вѣчный живот, / яко достоин на-следник, Ио́анне, / Ему́же моли́ся спаст́ся нам.

## Песнь 7

**Ирмос:** От Иудеи, дошедше, отроцы / в Вавилоне иногда / верою Трѳическою пламень пѣщный попраша, поюще: / отец Бóже, благословен еси.

Судий второе помышляя пришествие, / от очию души сон отлагал еси, мудре, уныния и, спасаемь, пел еси: / отец наших Бóже, благословен еси.

От младых ногтей благую часть избрал еси, отче мудре, / работати Господеву со страхом и Сего совершати оправдания: / отец наших Бóже, благо-словен еси.

Духовных исполнена дней бывша, / яко пшеницу зрелу, в Бышних житницах / Бог Тя, Богоносне, положи, поюще: / отец наших Бóже, благословен еси.

**Богорóдичен:** Яже еси́ миру Госпожá, Яже Бóга воплощённа порóждши, / безúмно порабóтившу-юся безмéстными грехи́ дúшу мою́ / спаси́, благо-словéнная Чíстая, да славослóвлю Тя.

### Песнь 8

**Ирмос:** Седмерицею пещь / халдéйский мучитель / Богочестивым неистовно разжжé, / сiлю же лúчшею спасены, сiя вiдев, / Творцú и Избáвителю вопияше: / óтроцы, благословите, / священницы, воспóйте, / лúдие, превозносите во вся вéки.

Яко мiлоть Илиину́ благодáть благорáсленно наслéдовав, / óтче Иоáнне, слáвнаго пáстыря тво-его́, / сéю растóргнул еси́ слáдостей пучiну и, спасён быв, непотоплén, / явился еси́ А́нгелом сограждани́н, с ними́ взывáя: / лúдие, превозносите Гóспода во вéки.

Нас рáди обнищáвшему Преблагóму Гóсподу, óтче Иоáнне, благочéстно уподóбился еси́, / птiцам равнó нестяжáние содержáл еси́ / и благ вéчных богáтство стяжáл еси́, воспеvая: / священницы, благословите, лúдие, превозносите Егó во вéки.

К животú непрестáнному, к рáдости нетлénней, / к весéлию пáче умá, пребогáте, престáвился еси́, рáдуясь, / и к красному благолéпию, ко А́нгельско-му пребывáнию, вопия́: / óтроцы, благословите, священницы, воспóйте, / лúдие, превозносите Гóспода во вéки.

**Богорóдичен:** Освiщшися Дúхом, Богорóдице Пренепорóчная, / войстинну приyла еси́ во чрэве Безначáльнаго Сьiна и Присносúщнаго, / в Тебé, Чíстая, воплощáема на благодея́ние вёрно по-ю́щим: / óтроцы, благословите, священницы, воспóйте, / лúдие, превозносите Егó во вéки.

### Песнь 9

**Ирмос:** Ужасéся о сем Не́бо, / и земли́ удивiшася концы́, / я́ко Бог яви́ся челове́ком плóтски, / и чрэво Твоé бысть прострáннейшее Небес. / Тем Тя, Богорóдицу, / А́нгелов и челове́к чиноначáлия величáют.



**Обновив** рало́м моли́твы, Ио́анне, ду́ши твоея́ бразд́у, / добродéтелей сию́ насéял еси́ благочéстия и живонóсная сэмена. / Тёмже исцелéний Богоподóбных и Божéственных даровáний пожáл еси́ клас, / ймже пита́еши пою́щия тя.

**Течéние** скончáв по́стное и véру соблю́д, блаже́нне, / я́ко войстинну исполнен вóзраста духо́внаго, / пра́ведный венéц прият, Богомúдре, от Христа́, / и ны́не почýл еси́ в жили́щах свéтлых с пра́ведными, преслáвне.

**Пожáл** еси́ твои́х болéзней воздая́ния, / преста́влься к соверше́нию неболе́зненному и чýстому, / вся́каго изменéния и претворéния, несмéсну го́ршаго и сопроти́внаго преложéния: / в нёмже всели́лся еси́, véрно тя пою́щих ко Влады́ще, óтче, помяни́.

**Богорóдичен:** Отвэ́рженныя Небéснаго жити́я и па́дшия окая́нно в смерть, / па́ки нас, Ма́ти бывши Избáвителя, призвáла еси́, Пречы́стая, / и к пёрвому тещи́ сподóбила еси́ отéчеству. / Тёмже Ты, Богома́ти, непреста́нно велича́ем.

**Преподобный Иоанн** родился в конце VIII века. В юношеском возрасте он стал учеником преподобного Григория Декаполита (†ок. 820; память 20 ноября) и принял от него иноческий постриг в Солунском монастыре. Под его руководством преподобный Иоанн достиг высокого духовного совершенства. Когда император Лев Армянин (813—820) возобновил гонение за почитание святых икон, преподобный Григорий Декаполит вместе с преподобным Иосифом Песнописцем (†ок. 820; память 4 апреля) и своим учеником преподобным

Иоанном отправился из Солуни в Константинополь, чтобы противодействовать иконоборческой ереси. Несколько лет, невзирая на гонения, святые Григорий и Иоанн безбоязненно защищали Православие, проповедуя почитание святых икон. После многих трудов преподобный Григорий скончался (около 820 года), а вскоре за ним отошел ко Господу и его верный ученик Иоанн. Преподобный Иосиф Песнописец перенес мощи святых Григория и Иоанна в построенную им церковь во имя святителя Николая Чудотворца.



**Празднование Пресвятѣй Владычицѣ  
нашей Богородице ради иконы Ея,  
именуемая «Максѣмовская»**

**зри** Аще 18 апрѣля случѣтся от суббѣты Лазаревой до недели Антипасхи, празднуем Пресвятѣй Богородице ради Максѣмовския иконы в понедѣльник Фоминой седмицы и поем службу Ея вкупѣ со службою Триоди.

Аще же 18 апрѣля случѣтся послѣ недели Антипасхи, празднуем Пресвятѣй Богородице в свое время и поем службу Ея такожде вкупѣ со службою Триоди того дне.

**ВѢЧЕР**

**На Господи, воззвах: стихиры Триоди 3 и Богородицы 5, глас 1.**

**Подобен: О, дѣвное чѣдо:**

**О**, дѣвное чѣдо! Царица Небесная святителю Максѣму являється / и омофор тому подаѣт. / Веселѣся, граде Владѣмире, / таковаго посещѣния сподобивыйся. / Возопѣим, вѣрнии, / святителя Максѣма имѣюще предначальником. / Благодатная, радуйся, / с Тобѣю Господь, / подай Тобѣю Цѣркви Русской велию мѣлость.

**Дѣвны Твоя тайны, Богородице! / В Вѣшних с Сѣном Твоим пребываючи, / на зѣмлю прѣсно призираѣши / и людѣй, к Тебѣ притекающих, / Богоподобными чудесами осияваѣши. / Православнии, вкупѣ со святителем Максѣмом возопѣим: / Благодатная, радуйся, / с Тобѣю Господь, / подай Тобѣю земли Русской велию мѣлость.**

**Твое дѣвное явлѣние святителю Максѣму / славят силы Небесныя. / Радуются же людѣе града Владѣмира, / ежелѣтно знамение мѣлости Твоея воспоминающе, / припадают к Тебѣ, Царице Небесная, архиерѣи и священницы, / монаси и вси православнии и вопѣют: / Благодатная, радуйся, / с Тобѣю Господь, / подай Тобѣю людем русским велию мѣлость.**

**Слава, глас 6:**

**Приидѣте, вѣрнии, / преславное явлѣние Богоматери празднуим. / Днесъ Ангельстии собори**



торжествуют / и на веселие нас, земных, призывают, / с любовью немолчно пети: / радуйся, на Небеси царствующая / и сущих на земли посещающая. / Радуйся, священническаго чина честная похвало. / Радуйся, всех верных упование и спасение. / Темже Ты христианский род / непрестанно ублажает.

**И ныне, Триоди. Чтения три, Богородицы (зри страницы 319—321).**

**На литии стихира Триоди литийная мимошедшей недели. И Богородицы стихира самогласна, глас 2:**

Небес высшая, и Херувим славнейшая, / и всей твари честнейшая, / премногия ради чистоты / Материю Божию быти сподобльшаяся, / Сына Своего Божественнаго на руку держащи, / святителю Максиму являється, / радости того исполняет / и всем верным подаёт велию милость.

**Слава, и ныне, глас 5:**

Воспойте, людие, Матери Бога нашего, воспойте. / Днесь бо святителю Максиму являється, / из Нея без семени воплощашагося / на руку Своею держащи. / Егже и молит непрестанно / даровати граду Владимиру и всей земли нашей / мир и велию милость.

**На стиховне стихиры, глас 2.**

**Подобен: Доме Евграфов:**

Людие православнии, / соберитесь ныне / торжествовати светло / праздник Чистыя / единыя Богоматери.

**Стих:** Помяну имя Твое / во всяком роде и роде.

От Девы Пречистыя / неизреченно Возсиявший / и на руку Ею Держимый / святителю Максиму / благословение подаде.

**Стих:** Слыши, Дщи, и виждь, / и приклони ухо Твое.

О, чудесе новаго, / о, знамения страшнаго, / како Царица Небесная / во граде Владимире / святителю являється.

### Слава, глас и подобен тойже:

Подáждь певцѣм / образа Матере Твоея, / Спасе наш, / грехов прощѣние / молитвами святителя Максима.

**И ныне, Триоди.**

**Тропарь, глас 4:**

**Д**несь свѣтло красуется славнейший град Владѣмир, / радостно совершая, Владычице, / праздник явленія Твоего святителю Максиму, в нем бывшаго, / о немже ныне воспоминающе / и молящеся Тебѣ, зываем сѣце: / о Пречудная Владычице Богородице, / молися Превѣчному Архирею — Сыну Твоему, / да непоколебиму утвердит Церковь Православную, / град наш Владѣмир и всю Русскую землю / в мире сохранит / и спасет в правверии души наша.

#### НА УТРЕНИ

**По 1-м стихословии седален Триоди, дважды. Слава, и ныне, седален Богородицы, глас 6.**

**Подобен: Ёже о нас исполнив:**

**Д**ѣво Пречѣстая Богородице, / призри с Небесѣ, и виждь наше уничиженіе, / и умилосердися о людех Твоих: / ни откуду бо надеемся помощи получи́ти в скорбех, / имиже искушаемся. / Темже буди с нами, и никтоже возмо́жет на ны.

**По 2-м стихословии седален Триоди, дважды. Слава, и ныне, седален Богородицы, глас 6.**

**Подобен: Ёже о нас исполнив:**

**В**ладычице Чѣстая, призри, Богородице, / виждь наших язв болѣзни, / и умилосердися, Пречѣстая, и исцели жжение совести, / Твоею милостию орошающи и вопиющи рабѣм Твоим: / Аз есмь с вами, и никтоже возмо́жет на вы.

#### Величание:

**В**еличаем Тя, / Пресвятая Дѣво, / и чтим образ Твой святый, / егоже святитель Максим даде граду Владѣмиру в покров / и всем верным во спасение.

**По полиелѣи седален, глас 6.**

**Подобен: Ёже о нас исполнив:**

**Б**езпомощным крепость Ты войстинну, Пресвятая Дѣво Мати. / Отсюду, смиреннии, Тобою возвы-



ша́емся, / о Тебѣ вы́соце держи́мся: / всем бо Ты еси́ покрѡв и Храни́тельница / и всех утеша́еши, веща́ющи нам: / Аз есмь с ва́ми, и никто́же возмо́жет на вы.

**Сла́ва, и ны́не, то́йже.**

**Ева́нгелие Богоро́дичное от Луки́, зача́ло 4.**

**По 50-м псалме́ стихира, глас 6:**

**Не ввѣри мя челове́ческому предста́тельству, / Пресвята́я Влады́чице, / но прими́ моле́ние раба́ Твоего́: / скорбь бо обдержи́т мя, / терпе́ти не могу́ де́монскаго стреля́ния, / покрѡва не има́м, / ниже́ где прибе́гну, окая́нный, всегда́ побежда́емь, / и утешѣния не има́м, ра́зве Тебе́, Влады́чице ми́ра, / упова́ние и предста́тельство ве́рных, / не прѣзри моле́ние моѐ, / полѣзно сотвори́.**

**Кано́н Трио́ди со ирмосѡм на 6, ирмосы́ по два́жды и Богоро́дицы на 6.**

**Кано́н Богоро́дицы, глас 1.**

**Песнь 1**

**Ирмо́с: Воскресе́ния день, / просвети́мся, лю́дие, / Па́сха, Господня́ Па́сха: / от сме́рти бо к Жи́зни / и от земли́ к Небеси́ / Христо́с Бог нас / преведе́, побѣдную пою́щия.**

**Торжества́ день, / просвети́мся, лю́дие! / Цари́ца бо Небе́сная / пресла́вно святите́лю Макси́му яви́ся. / Те́мже лику́ем вси в ра́дости, / побѣдную пою́ще.**

**Очи́стим чу́вствия / и у́зрим в непристу́пном све́те / Ма́терь Све́та, / ко святите́лю прише́дшую, / и, ра́дующеся, Ей вопие́м: / ра́дуйся, Ма́ти Господня́.**

**Небеса́ у́бо досто́йно да веселя́тся, / земля́ же да ра́дуется, / да пра́зднует же град Влади́мир / и вся Ру́сская страна́ да торжеству́ет, / почита́ющи заступле́ние Богома́тере.**

**Да ликуют со́гласно Не́бо и земля́ / в пра́здник Пречи́стыя Богома́тери, / Та бо всем ве́рным освяще́ние подаёт. / Сию́ восхва́лим, душе́вно ра́дующеся.**

**Катава́сия: Воскресе́ния день:**

### Песнь 3

**Ирмос:** Приидите, пиво пиём новое, / не от камене неплодна чудодеемое, / но нетления источник, / из гроба одождивша Христа, / в Немже утверждаемся.

Приидите, благодать вси почерпем, / не от камене неплодна истекающую, / но от Пречистой Богоматере, / яко от неистоцимаго источника, / от негоже вси освящаемся.

Приидите, песнь нову поем, / торжество Богоматери совершающе, / со псалмами и пением ликующе / и Деве Пречистой / с любовью поклоняющиеся.

Ныне вси исполнившиеся радости, / архиереи же и священницы, / монахи и мирстии. / Празднуем светло явление Богоматери, / имже утешаемся.

Течёт благодать изобильная / от Твоего, Богородице, образа, / всем источающе / зол избавление, и здравие, и милость.

**Кондак, икос и седален Триоди.**

**Слава, и ныне, седален Богородицы, глас 6.**

**Подобен:** Еже о нас исполнив:

Владычице Преблагословенная, / услыши нас, смиренных, / верно Тебе поклоняющихся / и славящих державу Твою, Всечистая: / инья бо, кроме Тебе, помощи не имамы. / Темже возопий поющим Тя: / Аз есмь с вами, / и никтоже возможет на вы.

### Песнь 4

**Ирмос:** На Божественней стражи / Богоглабливый Аввакум / да станет с нами и покажет / светоносна Ангела, / ясно глаголюща: / днесь спасение миру, / яко воскресе Христос, / яко Всесилен.

На Божественней стражи, / в молитвенном бдении станем / и, яко светоносную свещу, Святую Деву узрим, / из Нейже возсия Избавитель и Господь, / спасаая всех, яко Всесилен.

Богоотец убо Давид пред санным ковчегом скакаше, играя, / людие же Божии святии, / чудеса Богоматере зряще, / веселимся Божественно, / ибо реки милости источает нам Владычица, / яко Преблагая.



**Что** Ти принесём, Богомати, / яко град наш  
Владимир освятила еси / Твоим дивным явлени-  
ем? / Егбоже ныне воспоминающе, / благодарно  
славословим Тя.

**Д**несь верным радость велия: / изливает бо  
Пречистая милости / всем, с любовью притека-  
ющим к Ней. / Темже стецемся, братие, / и чудес  
Богоматери насладимся.

### Песнь 5

**Ирмос:** Утренюем утренюю глубокую, / и вместо  
мира песнь принесём Владыце, / и Христа узрим, /  
Правды Солнце, / всем жизнь возсияющая.

Утренююще, воспеваем Тя, Владычице, / песней  
похвалы плетуще, / по Твоему ходатайству  
надеющиеся / Свет узрети невечерний, / присносия-  
ющий.

Безмерное Твое, Богомати, милосердие / нужда-  
ми житейскими содержиши зряще, / радуемся  
светло, / весело вопиюще: / радуйся, Радосте наша.

Приступим, священоснии, / к Божией Матери  
днесь / и спразднуем любопразднственными  
чинми / явление Ея преславное.

Просвещается Твоими светолучными лучами / и  
ликует днесь в Твоем празднице, / Богомати Всене-  
порочная, / благочестивых собрание.

### Песнь 6

**Ирмос:** Снизшел еси в преисподняя земли / и  
сокрушил еси верей вечныя, / содержащая связан-  
ныя, Христэ, / и тридневен, яко от кита Иона, /  
воскресл еси от Гроба.

Сниди к нам Твоим милосердием, Пречистая, /  
разрешь скорби наша, / виждь обстояния, обдер-  
жающая нас, / покрой и заступь всех, / Твоея  
помощи тепле ищущих.

Ликующе в песнях Божественных, вернии, /  
воскликнем Деве, / праздник Ея совершающе, /  
освещения бо источник изливает всем, / с любовью  
к Ней притекающим.

Спасе мой Преблагий / и всяческих Творче, /  
Чистыя Богоматере Богоприятными мольбами /  
соблуди Твоих певцев / невредимыми от всех бед.

**Тя** поём, Богомати, / и Тебѣ поклоняемся. / Не презри моления рабов Твоих, / заступи в бедах наших, / яко сущи Милостива.

### Кондак, глас 6.

**Подобен:** Ёже о нас исполнив:

**П**ризри на нас, Всепетая Богородице, / возсияй просвещение сердцем помраченным / и озари стадо Твое, Пречистая, / елика бо хочещи и можещи, / яко Мати сущи Зиждителя, / и возопий молящим Тя: / Аз есмь с вами, / и никтоже возможет на вы.

### Икос:

**З**емная на земли оставльше / и мысли от страстей очистивше, / приидите ныне, вернии, / дивное явление Богоматери святителю Максиму воспомянем: / како омофор тому подаде / и пасты словесных овец во граде Владимире повеле. / Вперим зрение, вкупе и чувства ко Пречистой Богоматери / и к Ней молитву усердную вознесем: / не остави нас, стадо Твое, Владычице, / утеши нас, яко Мати, / настави нас, яко сынов, / и возопий молящим Тя: / Аз есмь с вами, / и никтоже возможет на вы.

### Песнь 7

**Ирмос:** Отроки от пещи избавивый, / быв Человек, / страждет, яко смертен, / и страстию смертное / в нетления облачит благолепие, / Един благословен / отец Бог и препрославлен.

**Отроки от пещи Избавльшаго / нетленно родила еси, Пречистая, / по рождестве, яко и прежде рождества, сохраняшаго Тя. / Егоже молящи не претай / о любовью чтущих Тя.**

**Вси ныне, Богомудрии, соберитесь, / светлое празднество совершающе, / Владычицу верно от душ восхвалим: / радуйся, Благословенная, / Мати Божия Препрославленная.**

**Войстинну священное ныне, Богомати, сие торжество, / егоже святитель Максим учредил / во свидетельство всем / неусыпнаго Твоего о стаде Твоем промышления. / Темже Тя с любовью величаем.**



**В**си ныне со благоговением поклонимся / Пречистой Деве Богоматери, / молящися со святителем Максимумом / и — радуйся — Гавриилово / принесем Благодатней.

### Песнь 8

**Ирмос:** Сей нареченный и Святы́й День — / еди́н суббо́т царь и госпо́дь, / пра́здников пра́здник / и торжество́ есть торжество́, / в о́ньже благослови́м Христа́ во ве́ки.

Сей нареченный и святы́й день / всех во гра́де Влади́мире и во о́бласти егó су́щих созывает на веселие. / Сниде́мся у́бо в ра́дости / и возопи́м Богоро́дице: / ра́дуйся: Чи́стая, во вся ве́ки.

Приидите, ве́рнии /, испо́лнимся Божественнаго благоуха́ния / в пра́здник Бо́жия Ма́тери / и Сию́ просла́вим, / пою́ще во вся ве́ки.

**Трби́чен:** О́тче Вседержи́телю, и Сло́ве, и Ду́ше, / Еди́но в Три́ех Ли́цах Су́щество, / сохрани́ град сей и зе́млю на́шу / от вся́кия ско́рби и бе́ды, / мо́льба́ми Де́вы Богоро́дицы, / свя́тителя Макси́ма и всех святы́х Влади́мирских.

Возведи́ о́чи Тво́я, Чи́стая, и виждь: / се бо прихо́дят к Тебе́ / от за́пада, и се́вера, и ю́га, / и восто́ка ча́да Тво́я, / Тя прославля́юще во вся ве́ки.

### Песнь 9

**Ирмос:** Свети́ся, свети́ся, / Но́вый Иерусали́ме, / сла́ва бо Госпо́дня / на тебе́ возсия́, / лику́й ны́не / и весели́ся, Сио́не, / Ты же, Чи́стая, красуй́ся, Богоро́дице, / о воста́нии Рожде́ства Твоего́.

Свети́ся и ра́дуйся, сла́вный гра́де Влади́мире, / и́бо Богома́терь ты гра́дом Свои́м наименова́ла, / лику́йте ны́не и весели́тесь, ве́рнии, / красуй́ся же, и вся Ру́сская зе́мля, / заступле́нием Влади́чицы храни́мая.

О Божественнаго, о любезнаго, / о сладчайшаго Твоего́ гла́са, / егóже свя́тителю Макси́му изрекла́ еси́! / При́сно у́бо, о Богома́ти, / промышля́й о ста́де Твое́м, / да, Тя Помо́щницу во всем иму́ще, / раду́емся о Твое́м заступле́нии.

О Ма́ти Бо́жия и Де́во! / в моли́тву приво́дим Тебе́ / чудотворцев Влади́мирских, / ихже предста́тельством / при́сно покрыва́й нас в жити́и

сем, / сподоби же и нас невечерняго дне / во Царствии Сына Твоего.

**Согласно, Дево, Тебе блажим, вернии: / радуйся, Мати Бога нашего Преславная, / Присноблаженная и Пренепорочная, / едина, честнейшая Херувим / и славнейшая без сравнения Серафим.**

### **Светилен:**

**Сладость Ангелов, святителей радость, / христиан всех Предстательнице, / Дево Мати Господня, / заступи нас и избави от вечных мук.**

**Слава, и ныне, Триоди, дважды.**

**На хвалитех стихиры Триоди 3, и стиховны того дне, и Богородицы 3, глас 1: 1-я: О, дивное чудо: 2-я: Дивны Твоя тайны: 3-я: Твое дивное явление: Слава, глас 6: Приидите, преславное явление Богоматере: писаны на вечерни. И ныне, Триоди.**

### **НА ЛИТУРГИИ**

**Блаженны от канона Триоди, рядовая песнь на 4 и Богородицы песнь 6-я на 4. По входе тропарь Триоди и Богородицы. Слава, кондак Богородицы. И ныне, кондак Триоди. Прокимен, Апостол, аллилуия, Евангелие и причастен прежде ряда Триоди, потом Богородицы.**

**Максимовская икона Божией Матери.** На иконе Пресвятая Богородица изображена во весь рост; левой рукой Матерь Божия держит Богомладенца Иисуса, правой протягивает омофор коленапреклоненному митрополиту Максиму.

Святитель Максим (†6 декабря 1305), по происхождению грек, был возведен на Киевскую митрополию, но переехал из Киева во Владимирна-Клязьме и тем самым фактически перенес митрополию из разоренного монголо-татарским нашествием Киева во Владимир. Когда святитель прибыл во Владимир, во сне ему явилась Пресвятая Богородица, благословила его приход во Владимир и подала ему святительский омофор. Омофор этот хранился в Успенском соборе Владимира. В 1412 году, во время нашествия татарского царевича

Талыча, он был вместе с другими ценностями сокрыт ключарем Патриkiem. Патрикий был замучен татарами за отказ указать место, где он спрятал драгоценности.

### **Литература**

1. Голубинский Е. Е. История Русской Церкви. Т. II, ч. 1. М., 1900, с. 94—96.

2. Снеессорева С. Земная жизнь Пресвятой Богородицы... СПб., 1892, с. 207—208.

3. Месяцеслов святых всею Русскою Церковью или местно чтимых. Вып. VIII, апрель. Тверь, 1898, с. 122—123.

4. Виноградов А., протоиерей. История кафедрального Владимирского Успенского собора. Владимир, 1905, с. 43—44, 49.